

II ADDENDA DO CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA, A AXENCIA PARA A MODERNIZACIÓN TECNOLÓXICA DE GALICIA E A FEDERACIÓN GALEGA DE MUNICIPIOS E PROVINCIAS PARA O DESENVOLVEMENTO DO PLAN DE INCLUSIÓN DIXITAL NO EIDO DA ADMINISTRACIÓN LOCAL

Santiago de Compostela, 17 de decembro de 2014

Dunha parte, don Alfonso Rueda Valenzuela, vicepresidente e conselleiro de Presidencia, Administracións Públicas e Xustiza da Xunta de Galicia, que actúa de conformidade co disposto nos artigos 33 e 34 da Lei 1/1983, do 22 de febreiro, reguladora da Xunta e da súa Presidencia, e mais co disposto no Decreto 230/2012, de 2 de decembro, polo que se nomea Vicepresidente da Xunta de Galicia, e no Decreto 229/2012, polo que se nomean os titulares dos departamentos da Xunta de Galicia e en virtude das funcións e competencias que lle atribúen o Decreto 233/2012, do 5 de decembro, polo que se determina a organización, función e competencias da Vicepresidencia da Xunta de Galicia, e no Decreto 72/2013, do 25 de abril, polo que se establece a estrutura orgánica da Vicepresidencia e da Consellería de Presidencia, Administracións Públicas e Xustiza.

Doutra parte, dona Mar Pereira Álvarez, directora da Axencia para a Modernización Tecnolóxica de Galicia, no uso das facultades que lle son atribuídas polo Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, e o Decreto 91/2012, do 16 de marzo, polo que se nomea directora da Axencia para a Modernización Tecnolóxica de Galicia.

E doutra parte, don Jose Manuel Rey Varela, presidente da Federación Galega de Municipios e

Provincias (en adiante, FEGAMP), no uso das facultades que lle son atribuídas polo artigo 46, punto primeira letra d) dos vixentes Estatutos da FEGAMP (aprobados pola asemblea xeral ordinaria do 4 de decembro de 2003) e en virtude do seu nomeamento pola asemblea xeral do 26 de novembro de 2011.

Todas as partes comparecen en nome e representación das súas respectivas institucións, recoñecéndose de modo recíproco capacidade xurídica, lexitimidade, suficiencia e vixencia das súas respectivas facultades para subscribir o presente convenio e na súa virtude,

EXPOÑEN

Primeiro.- Que o 15 de xaneiro de 2014, asinouse un Convenio de colaboración entre Vicepresidencia e Consellería de Presidencia, Administracións públicas e Xustiza, a Axencia para a Modernización Tecnolóxica de Galicia e a Federación Galega de Municipios e Provincias para o desenvolvemento do Plan de Inclusión Dixital no eido da Administración Local.

Segundo.- Este Convenio ten por obxecto regular a colaboración entre estas institucións para o desenvolvemento do Plan de Inclusión Dixital no eido da Administración Local e a consideración da FEGAMP como entidade colaboradora das subvencións concedidas aos concellos que acepten as bases mediante a presentación da solicitude prevista na cláusula terceira deste convenio.

Terceiro.- Este convenio determina os supostos nos que as aulas dos concellos que integran a rede CeMIT teñen a consideración de aulas de referencia. A consideración de aula de referencia será establecida por resolución da dirección da Axencia para a Modernización Tecnolóxica de Galicia. Aqueles concellos que teñan o recoñecemento de aula de referencia se lles concederá unha subvención cuxo importe máximo subvencionable é o establecido na cláusula oitava do convenio.

Cuarto.- Segundo a cláusula sexta a Axencia para a Modernización Tecnolóxica de Galicia

financiará, a través da Federación Galega de Municipios e Provincias, as actuacións que en materia de inclusión dixital realicen os concellos con aulas de referencia ata un importe máximo de 768.272 €, con cargo á partida orzamentaria 04.A1.571A.460.0 dos orzamentos xerais da Comunidade Autónoma de Galicia para o ano 2014.

Quinto.- En atención ás solicitudes presentadas polos concellos considerouse procedente unha ampliación do orzamento previsto no convenio na súa cláusula sexta, para a adecuada consecución do seu obxecto, que se materializou a través dunha Addenda ao convenio, asinada o 4 de abril de 2014, quedando o orzamento ata un importe máximo de 782.774,70 €, con cargo á partida orzamentaria 04.A1.571A.460.0 dos orzamentos xerais da Comunidade Autónoma para o ano 2014.

Sexto.- Segundo a cláusula décima do devandito convenio a vixencia do mesmo será ata o 31 de decembro de 2014. Para dar continuidade aos servizos da Rede CeMIT dado o bo resultado dos Concellos no ano 2014 e para levar a cabo as actuacións do Plan de Inclusión Dixital 2020 faise necesaria a modificación da vixencia do convenio.

Con base nas consideracións anteriores, a Vicepresidencia e Consellería de Presidencia, Administracións Públicas e Xustiza a Axencia para a Modernización Tecnolóxica de Galicia e a Federación Galega de Municipios e Provincias acordan subscribir a presente Addenda ao Convenio de colaboración entre a Vicepresidencia e Consellería de Presidencia, Administracións públicas e Xustiza, a Axencia para a Modernización Tecnolóxica de Galicia e a Federación Galega de Municipios e Provincias para o desenvolvemento do Plan de Inclusión Dixital no eiro da Administración Local que se rexerá polas seguintes

~~fegamp~~
FEDERACIÓN GALEGA DE MUNICIPIOS E PROVINCIAS
Presidencia
galicia



CLAÚSULAS

Primeira. Obxecto

Esta Addenda ten por obxecto modificar o Convenio de colaboración entre Vicepresidencia e Consellería de Presidencia, Administracións públicas e Xustiza, a Axencia para a Modernización Tecnolóxica de Galicia e a Federación Galega de Municipios e Provincias para o desenvolvemento do Plan de Inclusión Dixital no eido da Administración Local, ata o 31 de decembro de 2015, a través da modificación das seguintes cláusulas.

A Cláusula sexta queda redactada como segue:

“SEXTA.- Orzamento

A Axencia para a Modernización Tecnolóxica de Galicia finanziará, a través da Federación Galega de Municipios e Provincias, as actuacións que en materia de inclusión dixital realicen os concellos con aulas de referencia ata un importe máximo de SETECENTOS OITENTA E DOUS MIL SETECENTOS SETENTA E CATRO EUROS CON SETENTA CÉNTIMOS (782.774,70 €), con cargo á partida orzamentaria 04.A1.571A.460.0 dos orzamentos xerais da Comunidade Autónoma de Galicia para o ano 2015.



FEDERACIÓN GALEGA DE MUNICIPIOS E PROVINCIAS

Presidencia

	2015
04.A1.571A.460.0	782.274,70 €

Amtega transferirá trimestralmente á Federación Galega de Municipios e Provincias a cantidad de 195.693,67 € dentro dos primeiros quince días de cada trimestre do ano coa finalidade de posibilitar o financiamento necesario para poder levar a cabo as actuacións do

galicia



convenio.

O financiamento por parte da Amtega das actuacións obxecto do presente convenio será compatible con outras axudas establecidas por outra Administración Pública, organismo ou ente público ou privado, nacional ou internacional para o mesmo fin.

A achega anterior será entregada en concepto de depósito sen que en ningún caso forme parte do patrimonio da FEGAMP e será obxecto de contabilidade separada.

A FEGAMP está exenta da constitución de garantía para asegurar as cantidades que se lle transfiran para a distribución de fondos entre os concellos.

Este convenio queda condicionado á existencia de crédito axeitado e suficiente nos orzamentos xerais da Comunidade Autónoma de Galicia que se aproben para o ano 2015.”

A Cláusula séptima queda redactada como segue:

“SÉTIMA.- Gastos subvencionables e subcontratación

Consideránse gastos subvencionables aqueles que de xeito indubitado respondan á natureza da actividade subvencionada e se realicen dentro do prazo de vixencia do presente convenio. En ningún caso o custe de adquisición dos gastos subvencionables poderá ser superior ao valor de mercado.

Con carácter xeral, considerarase gasto realizado cando se teña contabilizado o recoñecemento da obriga polo órgano competente da entidade local.

Os Concellos poderán subcontratar a totalidade da actividade obxecto do convenio.

Enténdese que un Concello subcontrata cando concerta con terceiros a execución total ou parcial da actividade que constitúa o obxecto desta subvención. Queda fóra deste concepto a contratación daqueles gastos nos que teña que incorrer o concello para a realización por si

mesmo da actividade subvencionada.

En ningún caso poderán subcontratarse actividades que, aumentando o custo da actividade subvencionada, non aporten valor engadido ao contido da mesma.

Sen prexuízo do anterior, deberase aplicar o disposto no artigo 27 da Lei 9/2007, de 13 de xuño, de Subvencións de Galicia.”

A Cláusula décima queda redactada como segue:

“DÉCIMA.- Vixencia.

O presente convenio entrará en vigor na data da súa sinatura e terá vixencia ata o 31 de decembro de 2015.”

Segunda.-

En todo o non novado expresamente por esta Addenda, seguirá en vigor o disposto no Convenio.

E, en proba de conformidade, as partes asinan por triplicado esta Addenda no lugar e data indicados no encabezamento.

O vicepresidente e conselleiro de
Presidencia, Administracións Públicas e
Xustiza



Alfonso Rueda Valenzuela

A directora da Axencia para a
Modernización Tecnolóxica de Galicia



Mar Pereira Alvarez

O presidente da Federación Galega de
Municipios e Provincias

Jose Manuel Rey Varela
Presidente

FEDERACIÓN GALEGA DE MUNICIPIOS E PROVINCIAS

galicia

